



Nick Ramsay AC
Cadeirydd
Y Pwyllgor Cyfrifon Cyhoeddus
Cynulliad Cenedlaethol Cymru

13 Mawrth 2019

Annwyl Gadeirydd

Yng nghyfarfod y Pwyllgor Cyfrifon Cyhoeddus ar 18 Chwefror, cytunais i ysgrifennu atoch o roi rhagor o wybodaeth ichi ynglŷn â chreu a chynnal y Gwasanaeth Caffael Cenedlaethol (GCC).

Yn 2013, wrth greu'r GCC, roedd disgwyl y byddai angen i'r gwaith o ddatblygu'r gwasanaeth gael ei gynnal yn ystod y blynyddoedd cyntaf. Yn wir, roedd hynny'n glir yn yr Achos Busnes ar gyfer datblygu'r GCC. Oherwydd hynny, cafodd Cronfa Buddsoddi i Arbed ad-daladwy o £5.92 miliwn ei chymeradwyo am dair blynedd, o 2013/14 i 2015/16, er mwyn sefydlu'r gwasanaeth.

Er y bu cynnydd sylweddol mewn incwm dros amser wrth i fframweithiau'r GCC a oedd yn yr arfaeth gael eu datblygu, roedd yn amlwg erbyn 2016 y byddai dal angen rhagor o gymorth canolog i gynnal y gwasanaeth yn y tymor canolog. Yn ystod y tair blynedd weithredol rhwng 2016/17 a 2018/19, mae £5.1 miliwn o gyllid wrth gefn wedi'i gymeradwyo, er bod y cyfraniad wedi lleihau o'r naill flwyddyn i'r llall wrth i incwm y GCC gynyddu. Mae disgwyl i'r GCC sicrhau dros £1.3 miliwn o incwm yn 2018/19, sef cynnydd o dros 50% o gymharu â'r flwyddyn gynt.


Ni ddylid ystyried y buddsoddiadau hyn gan Lywodraeth Cymru ar eu pen eu hunain; bydd gwahanol elfennau, gan gynnwys rhai costau staff, TGCh a chyfleusterau yn parhau yn ystod cam datblygu nesaf y GCC.

Hefyd, er mwyn rhoi'r buddsoddiadau yn eu cyd-destun, dros y chwe blynedd y bu'r GCC yn weithredol, mae wedi sicrhau cynnydd o'r naill flwyddyn i'r llall yn y cysylltiadau â sefydliadau sy'n gwsmeriaid, a'r flwyddyn ariannol hon, mae disgwyl iddo ragori ar y gwariant o £300 miliwn a ragwelwyd ar gyfer y fframweithiau. Mae'r manteision a gofnodwyd i wasanaethau cyhoeddus Cymru drwy'r trefniadau hyn wedi cyrraedd cyfanswm o £18 miliwn yn y flwyddyn ariannol ddiwethaf yn unig, ac o'r 670 o gyflenwyr oedd yn rhan o fframweithiau'r GCC, mae bron hanner ohonynt yng Nghymru erbyn hyn.

Parc Cathays / Cathays Park
Caerdydd/Cardiff
CF10 3NQ

Ar ben hynny, mae'r asedau anniriaethol a ddaeth i ran y gwasanaeth drwy ddatblygu fframweithiau, creu gweithlu medrus a chryfhau rhwydweithiau caffael ledled Cymru, wedi bod yn blatfform gwerthfawr at y dyfodol. Yn wir, bydd yr elfennau hyn yn hanfodol er mwyn helpu i sicrhau y bydd y gwasanaeth newydd yn addas at y diben ac yn gynaliadwy yn y tymor hir.

Yn gywir

A handwritten signature in black ink, appearing to read 'A. Slade', written in a cursive style.

ANDREW SLADE

Cyfarwyddwr Cyffredinol – Grŵp yr Economi, Sgiliau a Chyfoeth Naturiol